

STATUTI I SHOQËRISË 3AL PRODUCT SH.P.K.

STATUTI I SHOQËRISË ME PËRGJEGJËSI TË KUFIZUAR “3AL PRODUCT” Sh.p.k.

Sot më datë 22.01.2018 në Pogradec,

Znj. Erizana KONI, shtetase shqiptare, lindur në Durrës, më 17.04.1982, me letërnjoftim me nr. personal I25417156H, banuese në Durrës;

Znj. Ana MANKA, shtetase shqiptare, lindur në Pogradec, më 07.11.1986, me letërnjoftim me nr. personal I66107064A, banuese në Tiranë;

të cilët kanë vendosur të nënshkruajë Statutin e mëposhtëm të një shoqërie me përgjegjësi të kufizuar, aktiviteti i së cilës rregullohet nga legjislacioni shqiptar në fuqi dhe nga ky Statut.

EMËRTIMI, FORMA, SELIA, KOHËZGJATJA

NENI 1

EMËRTIMI DHE FORMA E SHOQËRISË

- 1.1 Emërtimi i shoqërisë është “ 3AL PRODUCT ” Sh.p.k.më poshtë e quajtur “Shoqëria”.
- 1.2 Shoqëria themelohet në formën e një shoqërie me përgjegjësi të kufizuar sipas legjislacionit shqiptar.

NENI 2

SELIA, LOGOJA DHE VULA E SHOQËRISË

- 2.1 Selia e Shoqërisë ndodhet në adresën: Rruga Pogradec – Korce, me pasurie 393//33. Vol.8. Fq.68 , ZK 3475.
Shoqëria mund të vendosë për ndryshimin e selisë së Shoqërisë në gjithë territorin e vendit, hapjen e filialeve, degëve dhe zyrave të përfaqësimit në Shqipëri dhe jashtë saj, me vendim të organit administrativ të saj.
- 2.2 Shoqëria do të ketë logon dhe vulën e saj.

NENI 3

KOHËZGJATJA

- 3.1 Kohëzgjatja e veprimtarisë së Shoqërisë do të jetë me afat të papërcaktuar.

NENI 4

OBJEKTI I SHOQËRISË

- 4.1 Shoqëria ka për objekt shitjen dhe tregëtimin e produkteve të aluminit, profile, aksesorë, kite, si dhe produkteve të tjera si panele, kompozit, xham, produkte të gatshme, gjysem të gatshme.
- 4.2 Shoqëria, me vendim të organit vendimmarrës, mund të lidhë kontrata qiraje, marrëveshje për ofrimin e shërbimeve të assemblimit të produkteve të aluminit.



STATUTI I SHOQËRISË 3AL PRODUCT SH.P.K.

KAPITALI THEMELTAR, ASAMBLEJA E ORTAKËVE DHE FINANCIMET

NENI 5

KAPITALI THEMELTAR, CEDIMI I KUOTAVE,

PAMUNDËSIA E PËRKOHSHME E TRANSFERIMIT TE KUOTAVE

- 5.1 Kapitali themeltar i Shoqërisë është 200,000 lek (dyqind mije Lekë) i përbërë nga 2 kuota. Kapitali themeltar është nënshkruar tërësisht nga ortakët si më poshtë:
1- Znj. Erizana Koni, zotëruese e një kuote qe përfaqëson 50 % te kapitalit themeltar;
2- Znj. Ana Manka, zotëruese e një kuote qe përfaqëson 50 % te kapitalit themeltar;
- 5.2 Përgjegjësia e ortakëve ndaj te tretëve, për detyrimet e Shoqërisë, kufizohet në masën e pjesëmarrjes se tyre në kapitalin themeltar.
- 5.3 Asnjë nga ortakët nuk mund të transferojë kuotat përkatëse të pjesëmarrjes në Shoqëri pa miratimin paraprak me shkrim së ortakëve të tjerë.
Ne rast se një nga ortakët dëshiron të cedojë, plotësisht apo pjesërisht, kuotën e tij, duhet t'ia ofrojë kuotën e tij për blerje ortakëve të Shoqërisë.
Brenda 30 ditëve nga ofrimi i kuotës për blerje, ortakët do të kenë të drejtën të blejnë kuotën e ofruar në shitje me çmimin qe i korrespondon vlerës pasurore neto te kuotës ne fjale sipas mënyrave të pagesës qe do të kërkohen nga ortaku cedues. Konfliktet e mundshme në lidhje me vlerësimin e pasurisë neto të shoqërisë në përfundim të përcaktimit të çmimit, do të zgjidhen në mënyrë ekskluzive nga Gjykata e Rrethit Gjyqësor Tirane.
- 5.4 Pavarësisht nga parashikimet e paragrafit 5.3, secili ortak mund të shesë lirisht, të gjithë ose pjesë, kuotën e tij një ortaku tjetër.

NENI 6

CERTIFIKATAT E KUOTAVE

- 6.1 Secili ortak ka të drejtë të përfitojë një certifikatë për kuotën e zotëruar prej tij. Shoqëria nuk është e detyruar të lëshojë më shumë se një certifikatë për kuotat e zotëruara bashkërisht nga disa persona dhe dorëzimi i certifikatës ndaj përfaqësuesit të zotëruesve të përbashkët të kuotave do të konsiderohet si dorëzim i kryer ndaj të gjithë zotëruesve të kuotave, në përputhje me ligjin. Emrat e zotëruesve të përbashkët të kuotave do të renditen në certifikatën e kuotës.

NENI 7

KALIMI I KUOTAVE ME TRASHËGIMI

OSE SI PASOJË E FALIMENTIMIT TË ORTAKUT

- 7.1 Kuotat janë lirisht të transferueshme trashëgimtarëve në rast vdekjeje të ortakut nëpërmjet trashëgimisë. Në rastin kur shoqëria vazhdon të ekzistojë me disa trashëgimtarë nga ortaku i vdekur, këta duhet të emërojnë një përfaqësues të përbashkët.
- 7.2 Personi që fiton të drejtën mbi një kuotë si pasojë e vdekjes ose falimentimit të një ortaku mund të zgjedhë të bëhet zotërues i kuotës pas njoftimit me shkrim dërguar shoqërisë 60 ditë përpara, ose të kërkojë regjistrimin e kuotës në emër të një personi të tretë si përfitues i kuotës.
- 7.3 Personi që fiton të drejta mbi një kuotë si pasojë e vdekjes ose falimentimit të një ortaku do të ketë të drejtat që gëzonte ortaku i vdekur ose i falimentuar.

NENI 8

ZMADHIMI I KAPITALIT

- 8.1 Asambleja e Përgjithshme mund të zmadhojë kapitalin e Shoqërisë, me kuorumin e përcaktuar në nenin 10.7 të këtij Statuti. Vendimi i Asamblesë se Përgjithshme për zmadhimin e kapitalit do të komunikohet me shkrim ortakëve te cilët u thirren por nuk ishin te pranishëm ne mbledhjen e Asamblesë se Përgjithshme qe vendosi për zmadhimin e kapitalit.

STATUTI I SHOQËRISË 3AL PRODUCT SH.P.K.

- 8.2 Ne rast zmadhimi te kapitalit, te gjithë ortakët do te kenë te drejte te nënshkruajnë zmadhimin e kapitalit, ne para ose me kontribute ne natyre, ne përpjesëtim te drejte me kuotat qe zotërojnë ne Shoqëri.
- 8.3 Ne rast se disa ortake heqin dore nga e drejta e nënshkrimit, kapitali qe nuk është nënshkruar mund te nënshkruhet nga ortakët e tjerë. Ne këtë rast, këta ortake mund te ushtrojnë te drejtën për nënshkrimin e kapitalit, ne përpjesëtim te drejte me kuotat e pjesëmarrjes ne Shoqëri.

NENI 9

ZVOGËLIMI I KAPITALIT

- 9.1 Asambleja e Përgjithshme mund të zvogëlojë kapitalin e Shoqërisë, me kuorumin e përcaktuar në nenin 10.7 të këtij Statuti. Ne çdo rast kapitali i Shoqërisë nuk mund te zvogëlohet nen kufirin e përcaktuar me ligj.
- 9.2 Ortakët e përballojnë zvogëlimin e kapitalit te Shoqërisë, ne përpjesëtim te drejte me pjesëmarrjen e tyre ne kapitalin e Shoqërisë.

NENI 10

ASAMBLEJA E ORTAKEVE

- 10.1 Asambleja e Ortakëve, e thirrur në pajtim me ligjin dhe rregullisht e mbledhur, përfaqëson të gjithë ortakët dhe është organi vendimmarrës i Shoqërisë. Vendimet e Asamblesë së Ortakëve, te marra ne përputhje me ligjin dhe statutin detyrojnë te gjithë ortakët rregullisht të mbledhur, që kanë marrë pjesë apo kanë votuar kundër.
- 10.2 Asambleja e Ortakëve duhet te mblidhet te paktën një herë në vit brenda gjashte muajve nga përfundimi i vitit financiar.
- 10.3 Asambleja e Ortakëve thirret nga Administratori i Vetëm ose nga një apo më shumë ortakë që përfaqësojnë te paktën 1/10 e kapitalit themeltar të Shoqërisë e do te mblidhet në selinë e Shoqërisë ose ne çdo vend tjetër te përcaktuar ne njoftimin e mbledhjes.
- 10.4 Thirrja e mbledhjes se Asamblesë se Ortakëve duhet te behet nëpërmjet njoftimit me shkrim, me telefax, letër rekomande apo e-mail, te paktën 7 (shtatë) ditë përpara datës se caktuar për mbledhjen e Asamblesë së Ortakëve. Njoftimi duhet të përmbajë vendndodhjen, datën dhe orën në të cilën do të mblidhet Asambleja e Ortakëve, si dhe çështjet e rendit të ditës.
- 10.5 Çdo ortak mund te përfaqësohet nga një ortak tjetër ose nga një përfaqësues i deleguar.
- 10.6 Asambleja e Ortakeve ne marrjen e vendimeve qe kërkojnë shumice të zakonshme mblidhet nga ortakët me të drejte vote, qe zotërojnë me shume se 30 për qind të kapitalit dhe vendos me shumicën e votave të ortakeve pjesëmarrës.
- 10.7 Asambleja e Ortakeve ne marrjen e vendimeve qe kërkojnë shumice të kualifikuar mblidhet nga ortakët me të drejte vote, qe zotërojnë me shume se gjysmën e numrit total të votave dhe vendos me 3/4 e votave të ortakeve pjesëmarrës.

NENI 11

FINANCIMET

- 11.1 Organi administrativ i Shoqërisë, me qellim realizimin e objektit të Shoqërisë, mund te kërkojë financime nga të tretë e financime te mëtejshme nga ortakët, edhe te ndryshme nga zmadhimi i kapitalit.
- 11.2 Financimet e ortakëve do të jepen me ose pa shpërblim (pagese interesi), ne varësi te titullit për te cilin jepet financimi.
- 11.3 Çdo operacion financimi, si edhe çdo marrje përsipër detyrimesh financiare, duhet te miratohet paraprakisht nga Asambleja e Ortakëve.

STATUTI I SHOQËRISË 3AL PRODUCT SH.P.K.

ADMINISTRIMI I SHOQËRISË

NENI 12

ADMINISTRIMI I SHOQËRISË

- 12.1 Shoqëria administrohet nga një Administrator, i cili ka kompetencat e përfaqësimit të Shoqërisë dhe kompetencat për te kryer të gjitha veprimet e administrimit të zakonshëm e të jashtëzakonshëm të Shoqërisë, në përputhje me ligjin dhe statutin e Shoqërisë.
- 12.2 Administratori i Vetëm përfaqëson Shoqërinë ndaj të gjithë personave fizike e juridike apo autoriteteve shtetërore shqiptare. Administratori, në emër dhe për llogari të Shoqërisë, ka të drejtë të nënshkruajë kontratat e qirasë, mund të përgatisë dhe zbatojë aktet në lidhje me përfaqësimin e Shoqërisë kundrejt bankave shqiptare me qëllim çeljen, transferimin dhe mbylljen e llogarive bankare të Shoqërisë, të kryejë pagesa dhe lërheqje parash, dhe në përgjithësi, të administrojë këto llogari në interes të Shoqërisë, vetëm pas miratimit praparak me Vendim Asambleje të shoqërisë.
- 12.3 Administratori kryen të gjitha aktet që i konsideron të nevojshme për realizimin e objektit të Shoqërisë, përveç akteve që sipas ligjit apo statutit janë në kompetencë të Asamblesë së Ortakëve apo organeve të tjera të Shoqërisë, në përputhje me legjislacionin në fuqi dhe statutin e Shoqërisë.
- 12.4 Administratori emërohet për një periudhë maksimale 5 (pese) vjeçare. Administratori është përgjegjës për veprimet e kryera në administrimin e Shoqërisë.
- 12.5 Administratori vepron në pajtim me udhëzimet e Asamblesë së Ortakëve për çështje që nuk kërkojnë miratimin e Asamblesë së Ortakëve. Administratori ushtron kompetencat e mësipërme drejtpërdrejt ose nëpërmjet delegimit në favor të të tretëve. Administratori është në çdo rast përgjegjës për aktivitetin e të tretëve të cilëve ju janë deleguar këto kompetenca.
- 12.6 Administrator i parë i Shoqërisë emërohet Z. Klodian Kurti, shtetas shqiptar, lindur në Pogradec me 16.06.1980, identifikuar nga Letërnjoftimi me nr. 026441426 dhe nr. personal 100616111M.

NENI 13

SHPËRBLIMI I ADMINISTRATORIT

- 13.1 Asambleja e Ortakëve në mbledhjen e zakonshme përcakton shpërblimin e Administratorit të Vetëm të Shoqërisë, të drejtorëve dhe vartësve.

KONTROLLI I KONTABËL I SHOQËRISË

NENI 14

KONTROLLI FINANCIAR

- 14.1 Kontrolli financiar i shoqërisë do të kryhet nga Ekspertet Kontabël të Autorizuar, në përputhje me legjislacionin shqiptar në fuqi. Asambleja e Ortakëve do të emërojë një apo më shumë ekspertë kontabël në ato raste kur emërimi i tyre konsiderohet i nevojshëm ose i detyrueshëm sipas ligjit shqiptar.
- 14.2 Mbajtja e librave të Shoqërisë dhe e dokumentacionit kontabël të Shoqërisë do të kryhet në përputhje me statutin e Shoqërisë dhe me parashikimet e legjislacionit shqiptar në fushën e të drejtës civile dhe tatimore.
- 14.3 Në çdo moment, secili nga ortakët do të ketë të drejtë të kërkojë dhe marrë informacion të plote në lidhje me aktivitetin dhe kontabilitetin e Shoqërisë, si dhe do të ketë të drejtë të shqyrtojë, me shpenzimet e veta, të gjitha regjistrimet dhe dokumentet kontabël të Shoqërisë e të kryejë me shpenzimet e veta një kontroll kontabël dhe administrativ të Shoqërisë.

STATUTI I SHOQËRISË 3AL PRODUCT SH.P.K.

- 14.4 Përgjegjësia civile, fiskale dhe penale në lidhje me detyrimet kontabile e tatimore do të jetë në ngarkim të Administratorit të Shoqërisë.

VITI FINANCIAR DHE BILANCI

NENI 15

VITI FINANCIAR

- 15.1 Viti Financiar i Shoqërisë fillon më 1 Janar dhe mbaron më 31 Dhjetor.

NENI 16

BILANCI, SHPËRNDARJA DHE RI-INVESTIMI I FITIMEVE

- 16.1 Me mbylljen e secilit vit financiar, Administratori kryen të gjithë veprimet e nevojshme për përgatitjen e bilancit vjetor dhe të dokumenteve kontabile që do të miratohen nga Asambleja e Ortakëve. Asambleja e Ortakëve miraton bilancet vjetore ose i kërkon Administratorit, në përputhje me afatet ligjore, të kryejë ndryshimet e nevojshme.
- 16.2 Asambleja e Ortakëve vendos në lidhje me shpërndarjen e fitimit neto (dividend) që rezulton nga bilanci i miratuar. Shuma e fitimit neto që do të shpërndahet do të përcaktohet në bazë të bilancit vjetor, pasi të jenë zbritur humbjet e mundshme.

PRISHJA DHE LIKUIDIMI

NENI 17

PRISHJA DHE LIKUIDIMI I SHOQËRISË

- 17.1 Procedura e likuidimit e parashikuar ne ligjin "Për tregtarët dhe shoqëritë tregtare" do të zbatohet edhe ne rastin e prishjes se Shoqërisë.

DISPOZITA PËRFUNDIMTARE

NENI 18

LIGJI I ZBATUESHËM

- 18.1 Shoqëria do të zhvillojë aktivitetin e saj tregtar në përputhje me këtë Statut dhe me legjislacionin shqiptar. Ligji shqiptar "Për tregtarët dhe shoqëritë tregtare" do të rregullojë rastet që nuk parashikohen në këtë statut.

NENI 19

ZGJIDHJA E MOSMARRËVESHJEVE

- 19.1 Mosmarrëveshjet që mund të lindin ndërmjet Shoqërisë dhe ortakëve, apo ndërmjet ortakëve dhe trashëgimtarëve të ortakëve ose ortakëve të tjerë dhe/ose Shoqërisë, që kane për objekt të drejta të lidhura me Shoqërinë, do të zgjidhen nga Gjykata e Rrethit Gjyqësor Tirane.

Për regjistrimin pranë QKB (Qendra kombëtare e bizneseve) autorizohet Z. Klodian Kurti, me ID me nr. 026441426 dhe nr. personal 100616111M.

ORTAKET PASI NJIHEN ME PËRMBAJTJEN E TIJ DHE PASI E GJEJNË ATË NË PËRPUTHJE ME VULLNETIN E TYRE TE LIRE E TE PLOTE, E NËNSHKRUAJNË RREGULLISHT. KY STATUT I SHOQËRISË ME PËRGJEGJËSI TE KUFIZUAR "3AL PRODUCT " SH.P.K. PËRPILOHET NE KATËR KOPJE ME VLERE TE NJËJTË SECILA.

ORTAKËT

ERIZANA KONI

ANA MANKA

Erizana Koni

Ana Manka

5-5

[Signature]

[Signature]